



BOSNIA AND HERZEGOVINA  
Ministry for Human Rights and Refugees

---

U skladu sa članom 6. Sporazuma o preuzimanju uloge suosnivača za Institut za nestale osobe Bosne i Hercegovine, Vijeća ministara Bosne i Hercegovine i Međunarodna komisija za nestale osobe („Službeni glasnik BiH-Međunarodni ugovori“, broj 13/05), u daljem tekstu: Sporazum) raspisuju:

**JAVNI KONKURS  
ZA IZBOR ČLANOVA UPRAVNOG I NADZORNOG ODBORA  
INSTITUTA ZA NESTALE OSOBE BOSNE I HERCEGOVINE**

**I. PREDMET JAVNOG KONKURSA**

Predmet Javnog konkursa je izbor članova Upravnog i Nadzornog odbora Instituta za nestale osobe Bosne i Hercegovine (u daljem tekstu: Institut) na period od četiri godine.

**II. OPIS POZICIJA**

Svih šest članova/ica Upravnog odbora Instituta konsenzusom imenuju suosnivači na period od četiri godine, saglasno članu 7. Sporazuma.

Upravni odbor Instituta nadležan je za:

- a) donošenje Statuta Instituta;
- b) imenovanje i razrješenje članova/ica Kolegija direktora
- c) utvrđivanje godišnjih programa rada;
- d) donošenje finansijskih planova i usvajanje godišnjeg obračuna;
- e) donošenje Pravilnika o unutarnjoj organizaciji i sistematizaciji poslova i drugih općih akata utvrđenih ovim Sporazumom, Statutom i drugim zakonima Bosne i Hercegovine;
- f) usmjeravanje, kontrolu i ocjenjivanje rada članova/ica Kolegija direktora;
- g) sve druge poslove u skladu sa zakonom i Statutom Instituta;
- h) podnošenje izvještaja suosnivačima najmanje jednom godišnje, kao i na zahtjev suosnivača.

Tri člana/ce Nadzornog odbora Instituta konsenzusom imenuju suosnivači na period od četiri godine saglasno članu 9. Sporazuma.

Nadzorni odbor Instituta nadležan je da:

- a) razmatra izvještaje o finansijskom poslovanju Instituta;
- b) razmatra godišnji izvještaj o poslovanju i godišnji obračun;
- c) razmatra i provjerava urednost i zakonitost vođenja računovodstvenih knjiga;
- d) izvještava suosnivače, Upravni odbor i Kolegij direktora o rezultatima nadzora, jednom godišnje, a po potrebi i češće.

### III. KRITERIJI IZBORA

Opći kriteriji koje kandidati moraju ispunjavati su:

- 1) da je stariji od 18 godina i ima radno iskustvo od najmanje 5 godina;
- 2) da je državljanin Bosne i Hercegovine;
- 3) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta);
- 4) da se na kandidata ne odnosi član IX 1. Ustava Bosne i Hercegovine;
- 5) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12).
- 6) da nije bio prethodno član Upravnog, Nadzornog odbora ili Kolegija direktora Instituta.

Kvalifikacijski kriteriji na osnovu kojih se vrši rangiranje kandidata:

**a) kvalifikacija kandidata:**

- a.1. osnovni kriterij: stepen kvalifikacije (završen VII stepen stručne spreme ili ekvivalent Bolonjskog sistema 180-240 ECTS bodova, društveni ili humanistički ili prirodni smjer);
- a.2. dodatni kriterij: stepen kvalifikacije (završen stepena III ciklusa, akademska titula ili naučno zvanje doktora);

**b) radno iskustvo kandidata:**

- najmanje 5 godina iskustva u struci;

**c) za člana Upravnog odbora, učesće u javnom i naučnom radu u oblasti ljudskih prava:**

- referenca za najmanje 1 objavljeni stručni ili naučni rad (članak, knjiga, priručnik, potvrde o držanju obuka u oblasti ljudskih prava);

**d) za člana Nadzornog odbora, rukovodno iskustvo u oblasti ekonomije i finasijskog poslovanja:**

- obavljanje rukovodeće pozicije u oblasti finasijskog rukovođenja namanje 5 godina;

**e) ocijena kandidata na osnovu obavljenog intervjua** (maksimalna ocjena se obrazlaže, ocjene od strane članova komisije se sabiraju i dijele se sa 6 i navodi jedna srednja finalna ocjena za kandidata);

Maksimalni broj bodova koje može osvojiti kandidat/kinja je:.....**18 bodova;**

Minimalni broj bodova koji kvalifikuje kandidata/kinju na rang listu je .....**12 bodova;**

Zapreke za imenovanje:

U Upravni i Nadzorni odbor instituta ne mogu biti imenovane osobe koje:

- a) ne posjeduju poslovnu i zdravstvenu sposobnost;
- b) bivši članovi navedenih organa;
- c) koje su članovi/ice Kolegija direktora ne mogu se imenovati u sastav Upravnog odbora;
- d) koje se, prema propisima o sukobu interesa, smatra izabranim stranačkim zvaničnikom, nositeljem izvršnih funkcija ili savjetnikom;

- e) koje su već imenovane na poziciju člana u upravnom ili nadzornom odboru ustanove ili zavoda, odnosno privrednog društva s većinskim državnim kapitalom;
- f) koje imaju privatni finansijski interes u Institutu.

Prijave kandidat koji ne dostavi tražene dokaze neće biti uzet u razmatranje.

#### IV. POTREBNI DOKUMENTI

Prijava kandidata ima sljedeći sadržaj:

- 1) Motivacijsko pismo sačinjeno na 1 stranici sa kratkom biografijom /CV/ u prilogu;
- 2) U tekstu motiovacionog pisma POTREBNO je naznačiti listu svih priloga koji se dostavljaju, datum prijave i potpis prijavioca.

Kandidat koji se prijavljuje, potrebno je da uz motivacijsko pismo i CV, dostavi i sljedeću dokumentaciju:

- 1) uvjerenje o državljanstvu,
- 2) izvod iz matične knjige rođenih,
- 3) izjavu o ispunjavanju općih uslova utvrđenih u poglavlju III. kriteriji izbora iz tačke 3.,4.,5. i 6. javnog konkursa.
- 4) univerzitetsku diplomu kojom dokazuje posjedovanje visoke stručne spreme — VII stepen stručne spreme, odnosno visoko obrazovanje prvog ciklusa (koji se vrednuje s 180-240 ECTS bodova) ili drugog ili trećeg ciklusa Bolonjskog sistema studiranja iz oblasti društvenih, humanističkih ili prirodnih nauka.
- 5) univerzitetska diploma kojom dokazuju posjedovanje akademskih titula, naučnih zvanja;
- 6) potvrdu ili uvjerenje poslodavca/poslodavaca o radnom iskustvu u struci kod kojih je kandidat radio ili radi. Priložena potvrda/uvjerenje treba biti precizna te sadržavati sve bitne elemente koji nesumnjivo ukazuju na traženo radno iskustvo. **Pod bitnim elementima, bez kojih se isti imaju smatrati nepotpunim**, podrazumijevaju se podaci o nazivu radnog mjesta na kojem je kandidat radio ili radi, opisu poslova koje je ono obuhvatalo ili obuhvata, stručnoj spremi koju je to radno mjesto zahtijevalo ili zahtijeva, precizno navedenom periodu obavljanja tih poslova s jasnom naznakom jesu li oni obavljani nakon sticanja visoke stručne spreme.

#### *Napomena o ovjeravanju dokumenata:*

Svi priloženi dokumenti moraju biti u originalu ili ovjerenoj kopiji, s tim što na ovjerenoj kopiji univerzitetske diplome mora biti naznačeno da original ima suhi žig koji nije vidljiv na kopiji.

#### V. PROCES RANGIRANJA I IZBORA

*Ispunjenost posebnih uslova utvrđuje se kroz postupak intervjuisanja kandidata koji provodi Komisija za provođenje konkursne procedure s kandidatima koji su ispunili formalno-pravne uslove prijave i koji su zadovoljili opšte i posebne uslove za imenovanje.*

U skladu s čl. 9.,10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“ broj:37/03) Komisija će izvršiti pregledanje svih prijava koje stignu u propisanom roku, sačiniti listu prijavljenih kandidata koji ispunjavaju kriterije utvrđene od strane susnivača Instituta, saglasno članu 6. Sporazuma, obaviti intervju s kandidatima, utvrditi prijedlog šire rang liste s najboljim kandidatima i istu dostaviti ministru za ljudska prava i izbjeglice BiH radi dostavljanja Vijeću ministara BiH na daljnje razmatranje i ICMP-u. Suosnivači će, potom, sa predložene rang liste imenovati po tri člana uz obostranu suglasnost. Vijeće ministara BiH će jedinstvenu odluku o imenovanju objaviti u Službenom glasniku BiH.

Tekst javnog konkursa objavljuje Ministarstvo za ljudska prava i izbjeglice Bosne i Hercegovine u najmanje tri dnevna lista koja se distribuiraju na teritoriji cijele Bosne i Hercegovine kao i na web stranici ministarstva, Instituta i Međunarodne komisije za nestale osobe.

Prijava na javni konkurs za imenovanje članova Upravnog i Nadzornog odbora Instituta zajedno s traženom dokumentacijom, podnosi se preporučenom poštom **Ministarstvu za ljudska prava i izbjeglice Bosne i Hercegovine na adresu Trg BiH 1, 71000 Sarajevo, sa naznakom: „Prijava na Javni konkurs za izbor članova Upravnog i Nadzornog odbora Instituta za nestale osobe Bosne i Hercegovine“ – NE OTVARATI.**

**Krajnji rok za podnošenje prijave je 21 (dvadeset jedan) dan od dana objave teksta javnog konkursa u dnevnim listovima.**

NAPOMENA: Kandidati moraju ispunjavati uslove javnog konkursa s danom njegove objave, nezavisno od toga kada su dokazi zatraženi ili dostavljeni.

Upozoravaju se kandidati da ukoliko u bilo čemu ne postupe po navodima javnog konkursa kao i odredbama Sporazuma, biti će isključeni iz konkursne procedure bez mogućnosti ponavljanja propuštene radnje.

Broj: 01-40-1-693-9/23  
Sarajevo, 25.7.2023. godine

